



NAFARROAKO PARLAMENTUKO

ALDIZKARI OFIZIALA

VII. legegintzaldia

Iruña, 2007ko urriaren 18a

16. ZK.

A U R K I B I D E A

B SAILA:

Foru lege proposamenak:

—Foru Lege proposamena, emakume haurdunari laguntzeko sare bat eratzen eta arautzen duena. Osoko Bilkurak aintzat ez hartua (2. or.).

E SAILA:

Jabeldurak, mozioak eta adierazpen politikoak:

—Erabakia. Horren bidez, Espainiako Gobernua eta Nafarroako Gobernua premiatzen dira amatasuna, abortua eta sexu-hezkuntza direla-eta zenbait ekintza egin ditzaten. Osoko Bilkurak onetsia (3. or.).

—Erabakia. Horren bidez, Nafarroako Gobernua premiatzen da gure Foru Komunitatean haurdunaldiaren borondatezko etenduraren zerbitzua izateko behar diren baliabide egokiak jar ditzan 2007ko abenduaren 31 baino lehen, betiere legean ezarritako kasuetan emakume horiek beren eskubidea baliatu ahal izateko eta behar duten laguntza Nafarroako osasun zerbitzu publikoan jaso ahal izateko. Osoko Bilkurak onetsia (4. or.).

—Erabakia. Horren bidez, Nafarroako Gobernua premiatzen da sei hileko epean Parlamentuan aurkez dezan zentroetako eta, oro har, zerbitzuetako laguntzako langileen ratioei buruzko diagnosi bat. Osoko Bilkurak onetsia (5. or.).

—Mozioa. Horren bidez, Nafarroako Gobernua premiatzen da Nafarroaren eta Estatuaren arteko Lankidetzaren Batzarrerako dei egin dezan, Konstituzio Auzitegian aurkeztutako konstituziokontraotasuneko errekurtsioa erretira dadin; errekurtsioa, izan ere, Menpekotasun egoeran dauden pertsonen autonomia sustatzeari eta haiei laguntza emateari buruzko 39/2006 Legearen zenbait xedapenen aurkakoa da. Erretiratutako mozioa (5. or.).

—Adierazpen politikoak, Nafarroako Parlamentuak Adimen Osasunaren Nazioarteko Egunaren inguruko ospakizunekin bat egiteko eta ospakizun horiek babesteko. Osoko Bilkurak berretsia (6. or.).

F SAILA:

Galderak:

—Galdera, abiadura handiko trenaren ibilbideari buruzko azterlan bat egiteko aukerari buruzkoa, Tuteratik iragan dadin. Foru Diputazioaren erantzuna (7. or.).

B saila:
FORU LEGE PROPOSAMENAK

Foru Lege proposamena, emakume haurdunari laguntzeko sare bat eratzten eta arautzen duena.

OSOKO BILKURAK AINTZAT EZ HARTUA

Legebiltzarrak, 2007ko urriaren 10ean egindako Osoko Bilkuran, erabaki zuen aintzat ez hartzea emakume haurdunari laguntzeko sare bat eratzten eta arautzen duen Herritarren Legegintzarako Ekimenaren bidezko Foru Lege proposamena. Foru Lege proposamena José Manuel Contreras Naranjo buru duen batzorde batek aurkeztua zen.

Proposamen hori 2007ko irailaren 14ko 9. Nafarroako Parlamentuko Aldizkari Ofizialean argitaratu zen.

Iruñean, 2007ko urriaren 10ean

Jarduneko Lehendakaria: Jesús Javier Marcotegui Ros

E saila:
JABELDURAK, MOZIOAK ETA ADIERAZPEN POLITIKOAK

Erabakia. Horren bidez, Espainiako Gobernua eta Nafarroako Gobernua premiatzen dira amatasuna, abortua eta sexu-hezkuntza direla-eta zenbait ekintza egin ditzaten.

OSOKO BILKURAK ONETSIA

Nafarroako Parlamentuko Osoko Bilkurak, 2007ko urriaren 10ean egindako bileran, ondoko erabakia onetsi zuen: "Espainiako Gobernua eta Nafarroako Gobernua premiatzen dira amatasuna, abortua eta sexu-hezkuntza direla-eta zenbait ekintza egin ditzaten".

Legebiltzarreko Erregelamenduko 112. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agindu dut.

Iruñean, 2007ko urriaren 10ean

Jarduneko Lehendakaria: Jesús Javier Marcotegui Ros

Erabakia. Horren bidez, Espainiako Gobernua eta Nafarroako Gobernua premiatzen dira amatasuna, abortua eta sexu-hezkuntza direla-eta zenbait ekintza egin ditzaten

1. Nafarroako Parlamentuak Espainiako Gobernua premiatzen du ugalketa kontziente eta ardurasurako eskubidea berma dezan, eta amatasunaren balio soziala aitortu dezan. Eskubide hori gauzatzeko, behar diren neurriak hartuko dira, kontrazepzioari buruzko informazioa eta praktika emakumeen eta gizonen eskura egon daitezen, eta prestazio normalizatua izan dadin Nafarroako osasun sare publikoan, Estatuaren gainerako lekuetan gertatzen den bezala.

2. Horretarako, Nafarroako Parlamentuak Nafarroako Gobernua premiatzen du behar diren aurrekontu-aurreikuspenak egin ditzan egungo emakumeari laguntzeko zentron prestazioak zabalitzeko, benetako beharrei hobeki egokitzen zaien eredu batera zuzenduz: sexuari buruzko informaziorako eta familia orientaziorako zentroak.

3. Nafarroako Parlamentuak Espainiako Gobernua premiatzen du sexu-heziketa sar dezan derrigorrezko hezkuntzan eta hezkuntzako curriculum proiektuetan sar dezan; halaber, ikastetxetan beretan gurasoei eta irakasleei prestakuntza eman diezaien. Prestakuntza hori modu koordinatua zehaztuko dute Osasun Ministerioak eta Emakumearen Institutuak eta autonomia erkidegoek.

4. Nafarroako Parlamentuak Nafarroako Gobernua premiatzen du berma dezan foru erkidegoko osasun sistema publikoaren barruan haurdunaldiaren borondatezko etendurari buruz indarra duen araua betetzen dela. Horri dagokionez, behar diren baliabideak jarriko dira legeak ezarritako kasuetan dauden emakumeei behar bezalako laguntza eman dakien Nafarroako Osasun Zerbitzuko osasun etxeetan. Horretarako, Nafarroako osasun etxe publikoek nahitaez behar diren baliabide teknikoak, giza baliabideak eta baliabide fakultatiboak izanen dituzte haurdunaldiaren eteteak legez praktikatzeko, foru erkidegoan dauden beharren eta eskariaren arabera.

5. Nafarroako Parlamentuak Nafarroako Gobernua premiatzen du arau dezan zein inguruabarretan Nafarroako Osasun Zerbitzuaren menpeko osasun arloko langileek, sendagileek, OLTek eta gainerako langile fakultatiboek formulatu ahaliko duten haurdunaldiaren borondatezko etenduretan parte ez hartzeko erreserba. Erreserba kasuetarako erregistro bat sortuko da. Aipatu erreserba haurdunaldiaren borondatezko etenduraren berarizko ekintzarako baizik ez du eragina izanen, eta inoiz ere ezin izanen dira kontzientzia-arrazoiak erabili laguntza ukatzeak dakarren arduraz gabetzeko; ezin izanen da, ezta ere, eragozpena aldarrikatu emakumeari laguntzarik ez emateko, haren bizitza edo osasuna arriskuan dagoenean haurdunaldiaren borondatezko etenduraren ondorioz, ez eta eragozpen hori zabaldu emakume orok eba-

kuntzaren aurretik eta ondoren behar duen zainketa eta laguntzetara.

Halaber, erreserbaren formulazioak berekin ekarri beharko du, hartaz baliatzen diren langileentzat, debekatuta egotea horrelako ebakuntzak egitea era guztietako zentroetan, publikoak nahiz pribatuak izan. Hartara, ulertuko da erreserba hori atzera bota dela hura aurkezten duenak bere borondatez parte hartzen duenean, zentro pribatu nahiz publikoetan, haurdunaldiaren borondatez eteteko ebakuntzetan; hori, gainera, ez da eragozpena izanen administrazioak ekintza horiengatik kasuko zehapenak ezarri ahal izateko.

6. Nafarroako Parlamentuak Nafarroako Gobernua premiatzen du foru erkidegoko osasun sare publiko osoan talde mediko-sanitarioek zerbitzua

eman dezaten, hain zuzen ere ebakuntzak bermatzeko, haurdunaldia beren borondatez eten nahi duten emakume guztiek hori egin ahal izan dezaten; edonola ere, intimitaterako eskubidea gordeko da eta eskubide horren aurkako jarduera guztiak zehatuko dira.

7. Nafarroako Parlamentuak Nafarroako Gobernua premiatzen du Nafarroako Osasun Zerbitzua bitartez osasun arloko langileei behar den prestakuntza eman dakien emakumeentzat arinagoak diren haurdunaldiaren borondatezko etendura egiteko teknikei buruz. Halaber, metodo kontrazeptibo modernoagoetan ikerketa egin dadin sustatuko du, eta behar den esperimendazioa egin eta ondoren merkatuan daudenak onartuko ditu emakume guztientzat.

Erabakia. Horren bidez, Nafarroako Gobernua premiatzen da gure Foru Komunitatean haurdunaldiaren borondatezko etenduraren zerbitzua izateko behar diren baliabide egokiak jar ditzan 2007ko abenduaren 31 baino lehen, betiere legean ezarritako kasuetan emakume horiek beren eskubidea baliatu ahal izateko eta behar duten laguntza Nafarroako osasun zerbitzu publikoan jaso ahal izateko.

OSOKO BILKURAK ONETSIA

Nafarroako Parlamentuko Osoko Bilkurak, 2007ko urriaren 10ean egindako bileran, ondoko erabakia onetsi zuen: "Nafarroako Gobernua premiatzen da gure Foru Komunitatean haurdunaldiaren borondatezko etenduraren zerbitzua izateko behar diren baliabide egokiak jar ditzan 2007ko abenduaren 31 baino lehen, betiere legean ezarritako kasuetan emakume horiek beren eskubidea baliatu ahal izateko eta behar duten laguntza Nafarroako osasun zerbitzu publikoan jaso ahal izateko".

Legebiltzarreko Erregelamenduko 112. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agindu dut.

Iruñean, 2007ko urriaren 10ean

Jarduneko Lehendakaria: Jesús Javier Marcotegui Ros

Erabakia. Horren bidez, Nafarroako Gobernua premiatzen da gure Foru Komunitatean haurdunaldiaren borondatezko etenduraren zerbitzua izateko behar diren baliabide egokiak jar ditzan 2007ko abenduaren 31 baino lehen, betiere legean ezarritako kasuetan emakume horiek beren eskubidea baliatu ahal izateko eta behar duten laguntza Nafarroako osasun zerbitzu publikoan jaso ahal izateko

Nafarroako Parlamentuak Nafarroako Gobernua premiatzen du gure Foru Komunitatean haurdunaldiaren borondatezko etenduraren zerbitzua izateko behar diren baliabide egokiak jar ditzan 2007ko abenduaren 31 baino lehen, betiere legean ezarritako kasuetan emakume horiek beren eskubidea baliatu ahal izateko eta behar duten laguntza Nafarroan jaso ahal izateko.

Erabakia. Horren bidez, Nafarroako Gobernua premiatzen da sei hileko epean Parlamentuan aurkez dezan zentroetako eta, oro har, zerbitzuetako laguntzako langileen ratioei buruzko diagnosi bat.

OSOKO BILKURAK ONETSIA

Nafarroako Parlamentuko Osoko Bilkurak, 2007ko urriaren 10ean egindako bileran, ondoko erabakia onetsi zuen: "Nafarroako Gobernua premiatzen da sei hileko epean Parlamentuan aurkez dezan zentroetako eta, oro har, zerbitzuetako laguntzako langileen ratioei buruzko diagnosi bat".

Legebiltzarreko Erregelamenduko 112. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agindu dut.

Iruñean, 2007ko urriaren 10ean

Jarduneko Lehendakaria: Jesús Javier Marcotegui Ros

Erabakia. Horren bidez, Nafarroako Gobernua premiatzen da sei hileko epean Parlamentuan aurkez dezan zentroetako eta, oro har, zerbitzuetako laguntzako langileen ratioei buruzko diagnosi bat

Nafarroako Parlamentuko Osoko Bilkurak Nafarroako Gobernua premiatzen du sei hileko epean diagnosi bat aurkez diezaion Parlamentuari. Diagnosi horretan zentroetako laguntzako langileen ratioak eta, oro har, zerbitzuak ageriko dira.

Nafarroako Parlamentuko Osoko Bilkurak Nafarroako Gobernuak premiatzen du sei hileko epean Parlamentuari aurkez diezaion, eztabaida dezan, foru erkidegoko gizarte zerbitzuen lehenbiko kalitate plana.

Mozioa. Horren bidez, Nafarroako Gobernua premiatzen da Nafarroaren eta Estatuaren arteko Lankidetzaren Batzarrerako dei egin dezan, Konstituzio Auzitegian aurkeztutako konstituziokontrakotasuneko errekurtsioa erretira dadin; errekurtsioa, izan ere, Menpekotasun egoeran dauden pertsonen autonomia sustatzeari eta haiei laguntza emateari buruzko 39/2006 Legearen zenbait xedapenen aurkakoa da.

ERRETIRATUTAKO MOZIOA

Legebiltzarreko Osoko Bilkurak, 2007ko urriaren 10ean egindako bileran, erabaki zuen Socialistas del Parlamento de Navarra parlamentu-taldeak aurkezturiko ondoko mozioa erretiratutzat jotzea: "Mozioa. Horren bidez, Nafarroako Gobernua premiatzen da Nafarroaren eta Estatuaren arteko Lankidetzaren Batzarrerako dei egin dezan, Konstituzio Auzitegian aurkeztutako konstituziokontrakotasuneko errekurtsioa erretira dadin; errekurtsioa,

izan ere, Menpekotasun egoeran dauden pertsonen autonomia sustatzeari eta haiei laguntza emateari buruzko 39/2006 Legearen zenbait xedapenen aurkakoa da.

Mozio hori 2007ko irailaren 14ko 9. Nafarroako Parlamentuko Aldizkari Ofizialean argitaratu zen.

Iruñean, 2007ko urriaren 10ean

Lehendakaria: Elena Torres Miranda

Adierazpen politikoa, Nafarroako Parlamentuak Adimen Osasunaren Nazioarteko Egunaren inguruko ospakizunekin bat egiteko eta ospakizun horiek babestekoa.

OSOKO BILKURAK BERRETSIA

Nafarroako Parlamentuko Osoko Bilkurak, 2007ko urriaren 10ean egindako bileran, onetsi zuen Nafarroako Parlamentuak Adimen Osasunaren Nazioarteko Egunaren inguruko ospakizunekin bat egiteko eta ospakizun horiek babesteko adierazpen politikoa berrestea:

“1.- Nafarroako Parlamentuak bat egiten du datorren urriaren 10ean Adimen Osasunaren Nazioarteko Eguna, lelo gisa “Sentsibilizatzea eta arriskuak mugatzea: adimen-gaixotasuna eta suizidioa” duena, ospatzearekin, eta ospakizun hori babesten du.

2.- Nafarroako Parlamentuak deritzo lan egin beharra dagoela, bai botere publikoetatik bai

gizartearen osotasunetik, adimen-gaixotasunen bat daukaten pertsonen gizarteratzean eta laneratzean egiazko aurrerapausoak emateko eta pertsona horiekiko bereizkeria- eta bazterkeria-adierazpenei bukaera emateko.

3.- Nafarroako Parlamentuak beharrezkotzat jotzen du administrazio publiko guztiak oharturik egon daitezen adimen-osasuneko programez arduratzearen eta haietara behar adinako baliabideak bideratzearen premiaz”

Iruñean, 2007ko urriaren 10ean

Jarduneko Lehendakaria: Jesús Javier Marcotegui Ros

F saila:
GALDERAK

Galdera, abiadura handiko trenaren ibilbideari buruzko azterlan bat egiteko aukerari buruzkoa, Tuteratik iragan dadin.

FORU DIPUTAZIOAREN ERANTZUNA

Ana Figueras Castellano andreak galdera egin du abiadura handiko trenaren ibilbideari buruzko azterlan bat egiteko aukerari buruzkoa, Tuteratik iragan dadin.

Legebiltzarreko Erregelamenduko 112.1 artikuluan ezarritakoa betez, galdera horren erantzuna, Foru Diputazioak emana, Nafarroako Parlamentuko Aldizkari Ofizialean argitara dadin agindu dut. Galdera 2007ko irailaren 14ko 9. Nafarroako Parlamentuko Aldizkari Ofizialean argitaratu zen.

Iruñean, 2007ko urriaren 2an

Lehendakaria: Elena Torres Miranda

ERANTZUNA

Izquierda Unida de Navarra-Nafarroako Ezker Batua parlamentu-taldeko foru parlamentari Ana Figueras Castellano andreak galdera egin du abiadura handiko trenari buruz (Zaragoza-Castejón tarte, Tuteratik iragaten duen zatia). Hona hemen Herrilan, Garraio eta Komunikazio kontseilariaren erantzuna:

Galdera:

Aurreikusia al du Herrilan Departamentuak Espainiako Gobernuari eskaintzea trenak Tuteran barna izanen duen ibilbidearen azterlana egiteko aukera?

Herrilan Departamentuak irizpideren bat ba al du horri dagokionez?

Egoera ikusita, Departamentuak asmorik al du hiru aldeetako bilera baterako deia egiteko, Nafarroako Gobernuko, Espainiako Gobernuko eta Tuterako Udaleko ordezkariekin, trafiko arazoei konponbidea emateko formularik onena erabakitzeko?

Ba al daki kontseilariak hiriaren hegoaldean 24.000 etxebizitzako hiri-garapena aurreikusi dela eta horrek ibilgailuen joan-etorriak zailduko ditue-

la, eta trenaren ibilbiderako konponbide egokiak arazo horiek arinduko lituzkeela?

Erantzuna:

Burdinbideari buruzko azaroaren 17ko 39/2003 Legeko 5. artikuluan ezarritakoaren babesean, Sustapen Ministerioari dagozkio interes orokorreko trenbide sarea osatzen duten azpiegituren plangintzari buruzko eskumenak. Horrenbestez, abiadura handiko trenaren ibilbideari buruzko plangintza Sustapen Ministerioari dagokio, ukitutako autonomia-erkidegoei entzunaldia eman ondoren. Hala eta guztiz ere, Herri Lan, Garraio eta Komunikazio Departamentuak, 2004ko azaroaren 4an, Sustapen Ministerioari eskaini zion Nafarroako Gobernuak trenbide-saihesbide horri buruzko informazio-azterlan baten kontratazioa finantzatzea. Sustapen Ministerioak ez zuen eskaintza hori aintzat hartu.

Kutsadurari eta Klima Aldaketari Aurrea hartzeko Idazkaritza Nagusiaren 2007ko maiatzaren 10eko Ebazpenaz –2007ko ekainaren 4ko EAOn argitaratu zen–, informazio-azterlanean “B” izendaturiko aukerari buruzko ingurumen eraginaren adierazpena formulatu zen. Aukera hori Tuteratik iragaten da, egungo ibilbidearen gainetik, hain zuzen ere hirugarren errail bat ezarriz egungo bide bikoitzean.

Ingurumen eraginaren adierazpenean argudiatzen da erabaki hori oinarritzen dela sustatzaileak aukerarik egokiena hautatzeko egin duen irizpide anitzeko analisisian, eta kontuan hartu direla trazaduraren ezaugarri geometrikoak, eraikuntza arloko ezaugarriak, ezaugarri funtzionalak, ingurumenaren integrazioa, hiri-eremuetan eta ureztalurretan zuen eragina, baldintza geoteknikoak eta balorzio ekonomikoa. Ondorioa da “B” konponbidea dela merkeena eta ingurunean eragin gutxien sortzen dituen.

Udal dermioan sustatzen diren hirigintza garapenek kontuan hartu beharko dituzte eta finantzatu ere egin beharko dituzte beren azpiegitura-beharrak, sortzen duten trafikotik eratortzen direnak, betiere beren eskumen eremuen esparruan eta Lurraldearen Antolamenduari buruzko 35/2002 Foru Legean aurreikusitakoaren arabera.

Herrilan, Garraio eta Komunikazio Departamentuak guztiz errespetatzen ditu Estatuaren Administrazio Orokorrek bere eskumenez baliatuz ematen dituen ebazpenak, bai eta udalen eskume-

nak ere. Hala eta guztiz ere, zabalik dago Tuterako Udalarekin eta Sustapen Ministerioarekin batera hemen planteatutakoa aztertzeko.

Hori jakinarazten dizut Nafarroako Parlamentuko Erregelamenduaren 190. artikuluan xedatutakoa betetzeko.

Iruñean, 2007ko irailaren 25ean

Herri Lan, Garraio eta Komunikazio kontseilaria: Laura Alba Cuadrado

HARPIDETZAREN PREZIOA ALDIZKARI OFIZIALA ETA BILKURA EGUNKARIA	IDAZKARITZA ETA ADMINISTRAZIOA NAFARROAKO PARLAMENTUA «Nafarroako Parlamentuko Aldizkari Ofiziala» Navas de Tolosa, 1 31002 IRUÑA
Urtebete 45,15 euro Aldizkari Ofizialaren prezioa, aleko 1,18 » Bilkura Egunkariaren prezioa, aleko 1,34 »	